

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
VLADA**

Broj: 02-01-24545-1/13.  
Zenica, 29.11.2013. godine

**Z A P I S N I K**

**sa 137. sjednice Vlade Zeničko-dobojskog kantona održane 26.11.2013. godine**

Sjednica je održana u sali 109, prvi sprat u zgradi Kantona, dana 26.11.2013. godine u trajanju od 10<sup>00</sup> do 13<sup>10</sup> sati.

Sjednicom je predsjedavao Munib Husejnagić, premijer Zeničko-dobojskog kantona.

Sjednici su prisustvovali članovi Vlade:

1. Muhamed Husić, ministar Ministarstva za privredu,
2. Bojan Bošnjak, ministar Ministarstva za poljoprivredu, šumarstvo i vodoprivredu,
3. Romana Brkić, ministrica Ministarstva za pravosuđe i upravu,
4. Sabina Heljić, ministrica Ministarstva finansija,
5. Rifat Delić, ministar Ministarstva unutrašnjih poslova,
6. Ivica Ćurić, ministar Ministarstva za rad, socijalnu politiku i izbjeglice,
7. Mirko Trifunović, ministar Ministarstva za obrazovanje, nauku, kulturu i sport,
8. Senka Balorda, ministrica Ministarstva zdravstva,
9. Edin Terzić, ministar Ministarstva za prostorno uređenje, promet i komunikacije i zaštitu okoline.
10. Nedžad Lokmić, ministar Ministarstva za boračka pitanja.

Sjednici su prisustvovali i:

1. Berjana Ačkar, sekretar Vlade,
2. Ivica Mandura, savjetnik Premijera Zeničko-dobojskog kantona,
3. Jasminka Ahmetspahić, viši stručni saradnik za poslove informisanja u Uredu premijera,
4. Alma Hrnjić, zapisničar.

kao i;

- Abdulah Granić, direktor Javne ustanove Kantonalna bolnica Zenica,
- Harun Hodžić, pomoćnik direktora za medicinske poslove Javne ustanove Kantonalna bolnica Zenica,
- Aida Pojskić, pomoćnik direktora za pravne poslove Javne ustanove Kantonalna bolnica Zenica,
- Nusreta Kahvedžić, pomoćnik direktora za ekonomsko-finansijske poslove Javne ustanove Kantonalna bolnica Zenica,
- Sejad Rožajac, predsjednik Upravnog odbora Javne ustanove Kantonalna bolnica Zenica,
- Bruno Bojić, član Upravnog odbora Javne ustanove Kantonalna bolnica Zenica,
- Dženana Isaković, član Upravnog odbora Javne ustanove Kantonalna bolnica Zenica,
- Adnan Begović, član Upravnog odbora Javne ustanove Kantonalna bolnica Zenica,
- Emina Huseinagić, član Upravnog odbora Javne ustanove Kantonalna bolnica Zenica,

- Senaid Begić, direktor Zavoda zdravstvenog osiguranja Zeničko-dobojskog kantona,
- Indira Mundžić, stručni saradnik u Zavodu zdravstvenog osiguranja Zeničko-dobojskog kantona,
- Mirsad Isaković, predsjednik Kantonalnog odobra Saveza za bolju budućnost.

Premijer je stavio na diskusiju predloženi

### **DNEVNI RED :**

1. Informacija Radne grupe za pripremu tematske sjednice Vlade vezanu za rad i poslovanje JU Kantonalna bolnica Zenica, sa Prijedlogom Zaključka o primanju na znanje;
2. Prijedlog Odluke o preraspodjeli sredstava planiranih u Budžetu Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12) između budžetskih korisnika, Ministarstva zdravstva i ministarstava;

Članovi Vlade su se usaglasili sa predloženim dnevnim redom tako da je za sjednicu jednoglasno usvojen isti.

#### **Prva tačka dnevnog reda**

Uvodno izlaganje po ovoj tački dnevnog reda dali su Edin Terzić, ministar Ministarstva za prostorno uređenje, promet i komunikacije i zaštitu okoline, koji je ujedno i predsjednik Radne grupe za rješavanje postojećeg stanja u JU Kantonalna bolnica Zenica i Senka Blaorda, ministrica Ministarstva zdravstva i član radne grupe.

U diskusiji su učestvovali; direktor JU Kantonalna bolnica Zenica, pomoćnik direktora za ekonomsko finansijske poslove JU Kantonalna bolnica Zenica, Sejad Rožajac, predsjednik Upravnog odobra JU Kantonalna bolnica Zenica, Premijer Zeničko-dobojskog kantona, pomoćnik direktora za pravne poslove JU Kantonalna bolnica Zenica, ministrica Ministarstva zdravstva, ministar Ministarstva za prostorno uređenje, promet i komunikacije i zaštitu okoline, Bruno Bojić, član Upravnog odobra JU Kantonalna bolnica Zenica, ministar Ministarstva za privredu, Adnan Begović član Upravnog odobra JU Kantonalna bolnica Zenica, direktor Zavoda zdravstvenog osiguranja Zeničko-dobojskog kantona, pomoćnik direktora za medicinske poslove JU Kantonalna bolnica Zenica, Indira Mundžić ispred Zavoda Zdravstvenog osiguranja Zeničko-dobojskog kantona, ministar Ministarstva za poljoprivredu, šumarstvo i vodoprivredu, ministrica Ministarstva finansija, Mirsad Isaković, ministar Ministarstva unutrašnjih poslova i ministar Ministarstva za rad, socijalnu politiku i izbjeglice.

Vlada je jednoglasno razmatrajući pojedinačno svaku tačku u okviru predloženog zaključka, uz predložene izmjene i dopune jednoglasno donijela Zaključak kako slijedi;

Prima se na znanje Informacija Radne grupe za pripremu tematske sjednice Vlade vezanu za rad i poslovanje JU Kantonalna bolnica Zenica sa sljedećim zaključcima:

1) Pokrenuti proceduru odustajanja od austrijskog kredita za nabavku opreme za centralni operativni blok u skladu sa članom 12. Zakona o javnim nabavkama ("Službeni glasnik Bosne i Hercegovine", broj: 49/04, 19/05, 52/05, 92/05, 94/05, 8/06, 24/06, 70/06, 12/09 i 60/10).

2) Nastaviti razgovore na temu kreditnog zaduženja pod najpovoljnijim uslovima.

3) Uraditi detaljni energetska audit postojećeg izvedbenog projekta, te na osnovu istog izvršiti izmjene izvedbene projektne dokumentacije energetskog kompleksa i operativnog bloka u koju treba uključiti i potrebne mjere energetske učinkovitosti svih zgrada JU Kantonalna bolnica Zenica (izmjena krovova, fasada i prozora), te u skladu sa ekonomskim parametrima isplativosti uključiti i korištenje obnovljivih izvora energije.

4) Zadužuju se menadžment JU Kantonalne bolnice Zenica, Upravni odbor JU Kantonalne bolnice Zenica, da zajedno sa stručnim kolegijem, u roku od sedam dana donesu Odluku tj. daju konačan stav da li raditi rekonstrukciju postojećih operacionih sala ili izgradnju novog operacionog bloka, kako bi mogli finalizirati projektnu dokumentaciju i zahtjev prema kreditorima, te izvršiti reviziju postojećih projekta za građevinske radove, energetskog kompleksa i operativnog bloka.

5) Zadužuje se JU Kantonalna bolnica da poništi tendere za izbor dobavljača po Odluci o izboru najpovoljnijeg ponuđača broj: 20/1-1-2706 od 26.04.2011. godine za "ITC" d.o.o., Odluci o izboru najpovoljnijeg ponuđača broj: 20/1-1-954 od 11.12.2011. godine za "ODELGA" Austrija i Odluci o izboru najpovoljnijeg ponuđača broj: 20/1-1-4320 od 26.07.2011. godine „MIPRO GRADNJA“ d.o.o. Ilijaš, obrazlažući otkazivanje postupka dodjele ugovora prinudnim događajima, dokazivim, uvjerljivo objašnjenim razlozima, koji se nisu mogli predvidjeti u vrijeme pokretanja postupka dodjele, shodno odredbi člana 12. stav (1) tačka c) Zakona o javnim nabavkama Bosne i Hercegovine („Službeni glasnik BiH“, br. 49/04, 19/05, 52/05, 8/06, 24/06, 70/06, 12/09 i 60/10).

6) Zadužuje se menadžment JU Kantonalne bolnice Zenica i Upravni odbor JU Kantonalne bolnice Zenica, da sačine akcioni plan sanacije radi zaustavljanja negativnog trenda poslovanja JU Kantonalna bolnica Zenica.

7) Zadužuje se menadžment JU Kantonalne bolnice Zenica da zajedno sa stručnim kolegijem, sačini i predloži Upravnom odboru JU Kantonalne bolnice Zenica, prijedlog Odluke o utrošku sredstava koja će se obezbijediti putem preraspodjele sredstava između budžetskih korisnika radi osiguranja sredstva u iznosu 1.070.000,00 KM za potrebe JU Kantonalna bolnica Zenica, u skladu sa članom 13. Zakona o zdravstvenoj zaštiti („Službene novine FBiH“, broj: 46/10), koju će putem resornog Ministarstva zdravstva Zeničko-dobojskog kantona, dostaviti Vladi Zeničko-dobojskog kantona na dalje postupanje.

8) Zadužuje se menadžment i Upravni odbor JU Kantonalne bolnice Zenica, da zajedno sa predstavnikom Vlade i Zavoda zdravstvenog osiguranja, utvrdi uzroke stanja i razloge nastalih gubitaka (neadekvatno poslovanje, investicije, preinvestiranje) i to pojedinačno za svaku godinu počev od 2008. godine, pa ukoliko to ocjene opravdanim i pravno osnovanim, pokrenu odgovornost osoba koje su uzrokovale ovakvo stanje, te sačine Izvještaj koji će dostaviti Vladi putem resornog Ministarstva zdravstva Zeničko-dobojskog kantona, a koji će biti polazna osnova za realizaciju naprijed navedene tačke 6).

Zadužuju se menadžment JU Kantonalna bolnica Zenica, Upravni odbor JU Kantonalna bolnica Zenica, Ministarstvo zdravstva i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svoje nadležnosti. Zaključak stupa na snagu danom donošenja.

#### **Druga tačka dnevnog reda**

Obrazloženje za ovu tačku dnevnog reda dala je Sabina Heljić, ministrica Ministarstva finansija.

U diskusiji su učestvovali; ministar Ministarstva za rad, socijalnu politiku i izbjeglice i ministar Ministarstva za boračka pitanja.

Vlada je jednoglasno uz predloženu izmjenu donijela Odluku o preraspodjeli sredstava u Budžetu Zeničkodobojskog kantona za 2013. godinu.

Odobrava se preraspodjela sredstava planiranih u Budžetu Zeničko-dobojskog kantona za 2013. godinu ("Službene novine Zeničko-dobojskog kantona", broj 19/12) između budžetskih korisnika: Ministarstva zdravstva Zeničko-dobojskog kantona i ministarstava kako slijedi:

Preraspodjela sredstava u Budžetu Zeničko-dobojskog kantona za 2013. godinu vrši se na sljedeći način:

- Na razdjelu 17, budžetska organizacija 01, potrošačka jedinica 0001 – Ministarstvo finansija, sredstva na poziciji 616200-Izdaci za inostrane kamate, umanjuju se za 70.000,00 KM;
- Na razdjelu 18, budžetska organizacija 01, potrošačka jedinica 0001 – Ministarstvo za privredu, sredstva na poziciji 614500-Subvencije preduzećima u privatizaciji i podsticaj u industriji, umanjuju se za 250.000,00 KM;
- Na razdjelu 20, budžetska organizacija 01, potrošačka jedinica 0001 – Ministarstvo za rad, socijalnu politiku i izbjeglice, sredstva na poziciji 614200 (KAD 215) – Stalna novčana pomoć, umanjuju se za 40.000,00 KM.
- Na razdjelu 20, budžetska organizacija 01, potrošačka jedinica 0001 – Ministarstvo za rad, socijalnu politiku i izbjeglice, sredstva na poziciji 614200 (KAD 220) – Transfer JU Službi za zapošljavanje Zeničko-dobojskog kantona za podsticaj aktivnih mjera zapošljavanja, umanjuju se za 50.000,00 KM.
- Na razdjelu 20, budžetska organizacija 01, potrošačka jedinica 0001 – Ministarstvo za rad, socijalnu politiku i izbjeglice, sredstva na poziciji 614200 – Poticaj zapošljavanja mladih, umanjuju se za 60.000,00 KM.
- Na razdjelu 24, budžetska organizacija 01, potrošačka jedinica 0001 – Ministarstvo za boračka pitanja, sredstva na poziciji 614200 (OAD 208) – Pomoć u rješavanju stambenog pitanja umanjuju se za 150.000,00 KM, a sredstva na poziciji 614200 (OAD 222) – Transfer za podsticaj zapošljavanja branilaca i članova njihovih porodica, umanjuju se za 200.000,00 KM.
- Na razdjelu 11, budžetska organizacija 01, potrošačka jedinica 0001 – Ured premijera, sredstva na poziciji 614300 – Tekući transferi neprofitnim organizacijama, umanjuju se za 14.000,00 KM.
- Na razdjelu 21, budžetska organizacija 01, potrošačka jedinica 0001 – Ministarstvo zdravstva, sredstva na poziciji 615100- Kapitalni transferi drugim nivoima vlasti – za zdravstvo, uvećavaju se za 834.000,00 KM.

Zadužuju se Ministarstvo finansija, Ministarstvo za privredu, Ministarstvo za rad, socijalnu politiku i izbjeglice, Ministarstvo za boračka pitanja, Ured premijera i Ministarstvo zdravstva, da u skladu sa zakonom i podzakonskim aktima realizuju ovu odluku, svako u okviru svoje nadležnosti.

Ova Odluka stupa na snagu danom donošenja, a objaviti će se u „Službenim novinama Zeničko-dobojskog kantona“.

Premijer je zaključio sjednicu u 13<sup>10</sup> sati.

**SEKRETAR VLADE**

*Berjana Ačkar*

**ZAPISNIČAR**

*Alma Hrnjić*

**PREMIJER**

*Munib Husejnagić, dipl.ing.maš.*